



## სიახლეები „მესტიის საავადმყოფო-ამბულატორიულ გაერთიანებაში“

უამრავ ათეულ წელს ითვლის მესტიის რაიონული საავადმყოფო, სადაც წლების მანძილზე მოღვაწეობდნენ ქვეყნის მასშტაბით ცნობილი და ღირსეული ადამიანები, რომელთა სახელებსაც არასოდეს დაივიწყებს ჩვენი საზოგადოება. მათი საქმიანობის შესახებ ინფორმაცია და საოცარი ისტორიები არაერთხელ გაჟღერებულა ქართულ პრესაში.

სიახლეებითა და ცვლილებებით დაიწყო მიმდინარე წელი მესტიის საავადმყოფო-ამბულატორიულ გაერთიანებაში. ამჟამად გაერთიანების დირექტორი გახლავთ თეა ცინდელიანი, კლინიკური მენეჯერი დავით ბარლიანი, კლინიკის მენეჯერი-ლაბაზრა მერლანი.

ახალგაზრდა გუნდი ახალი შემართებითა და გეგმებით შეუდგა საქმიანობას.

შეკითხვაზე კლინიკის სამომავლო გეგმებსა და ხედვის შესახებ, თეა ცინდელიანი განაცხადა, რომ რომ მესტიის კლინიკას აქვს უაღრესად დიდი ისტორია, სადაც მუშაობდნენ სვანეთის დამსახურებული ადამიანები და შეიქმნა ტრადიციები, რაც დღემდე მოყვება და გვყავს არაერთი დამსახურებული და ღვანღმოსილი ექიმი.

ჩვენი მენეჯმენტის პირობებში თავიდან ბოლომდე გათვალისწინებული არსებული ტრადიციები და ურთიერთპატივისცემა, რაც აუცილებლად აისახება ყოველდღიურ მოღვაწეობაში. აქვე მოგახსენებთ რომ პაციენტის სიცოცხლე არის და იქნება ყოველთვის პრიორიტეტული.

გადანყვეტილია არსებულ მომსახურებას დაემატოს დამატებითი სერვისები. განახლდა და თანამედროვე აპარატურით აღიჭურვა ლაბორატორიული განყოფილება, რომელიც მრავალი ათეული წელია ფუნქციონირებს ქალბატონი ნუნუ ხვინთელანის ხელმძღვანელობით. აქვე უნდა აღინიშნოს, რომ პრიორიტეტულად ჩაითვალა ადგილობრივი კადრების მოძიება და შესაბამისი კვალიფიკაციის ამაღლება თბილისის სახელმწიფო სამედიცინო უნივერსიტეტში, რისი ნათელი მაგალითიც არის მესტიის მკვიდრი ლიკა გურჩიანი, რომელიც კვალიფიციურად და მაღალ დონეზე ჩაერთო ლაბორატორიულ საქმიანობაში.

აქვე მადლობას გადაუხდით უნივერსიტეტის რექტორს ბატონ ირაკლი ნატროშვილს და პირველი საუნივერსიტეტო კლინიკის გენერალურ დირექტორს ბატონ ლევან რატიანს.

უდიდესი როლი აქვს კლინიკის გამართულ ფუნქციონირებისთვის ადგილობრივი მუნიციპალიტეტის მხარდაჭერას როგორც ფინანსური, ასევე ინფრასტრუქტურული პროექტებით.

ადგილობრივი თვითმმართველოს ძალისხმევით მესტიის კლინიკაში დამონტაჟდა თანამედროვე უახლესი კომპიუტერული ტომოგრაფია, რომელიც დღეს ფუნქციონირებს. აგრეთვე დაგეგმილია მუნიციპალიტეტის მხარდაჭერით სტაციონარის რემონტი, რაც მოიცავს საოპერაციო და სასტერილიზაციო ბლოკებს. რემონტის შემდგომ ჯანდაცვის სამინისტროს გადანყვეტილებით კლინიკას მიენიჭება შესაბამისი დონე, რის შემდგომაც სრულფასოვნად ამუშავდება გეგმიური სერვისები.

კლინიკაში დაინერგა სამედიცინო პროგრამა, რაც საშუალებას იძლევა დოკუმენტის წარმოება იყოს გამჭვირვალე და ხელმისაწვდომი.

დაკომპლექტდა და 24/7 ზე მუშაობს გადაუდებელი დახმარების განყოფილება, რომელსაც ხელმძღვანელობს შორენა რატიანი.

ჩვენი მიზანია კლინიკის განვითარება და ყველაზე მნიშვნელოვანი ადგილობრივი მოსახლეობის კვალიფიციური დახმარება.

მოსახლეობის ინფორმირებულობის მიზნით, აქვე მოგახსენებთ, რომ საავადმყოფოში სრულყოფილად ამოქმედდა კომპიუტერული ტომოგრაფიის კაბინეტი.

**კვლევების ჩამონათვალი:**  
თავის ტვინი; თვალბუდე; ნიაღვრები; საფეთქლის ძვალი და ყური; კისერი; გულმკერდი; წელის მალეები და გავა; მხრის სახსარი; იდაყვის სახსარი; სხივ-მაჯის სახსარი; მტევანი; მენჯ-ბარძაყის სახსარი; მუხლის სახსარი; კოჭ-წვივის სახსარი; ტერფი, მუცლის ღრუ, ქვედა კიდურები.

**კლინიკაში ასევე კეთდება გეგმიური ლაბორატორიული კვლევები:**

- ტარდება ბიოქიმიური გამოკვლევები (კვლევა სრულდება სრულად ავტომატიზირებულ DR1-CHEM NX600-ზე);
- ლაქტატდეჰიდროგენაზას კონცენტრაციის განსაზღვრა (LDH);
- თირკმლის და საშარდე სისტემის ფუნქციური სინჯების კვლევა (კრეატინინი, შარდმჟავა);
- პანკრეასული ამილაზას კონცენტრაციის განსაზღვრა (AMYL-P);



- ლიპაზა (LYP);
  - ლიპიდური პროფილის განსაზღვრა (ტრიგლიცერიდები და საერთო ქოლესტერინი TG & TCHOL);
  - ღვიძლის ფუნქციური სინჯების გამოკვლევა (ალანინამინოტრანსფერაზას კონცენტრაციის განსაზღვრა; ასპარტატამინოტრანსფერაზას კონცენტრაციის განსაზღვრა; გამაგლუტამილტრანსპეპტიდაზას კონცენტრაციის განსაზღვრა; პირდაპირი და არაპირდაპირი ბილირუბინი ALT,AST,GGT, BIL-T, BIL-D);
  - ფოსფორის (P)კონცენტრაციის განსაზღვრა.
- ლაბორატორიული კვლევები მნიშვნელოვან როლს ასრულებენ პაციენტების დიაგნოსტიკაში, მკურნალობასა და მონიტორინგში.
- კლინიკაში ფუნქციონირებს კვლევების შედეგების ელექტრონული ბაზა და პაციენტების ინტერესებიდან გამომდინარე მუშაობს ელექტრონული ფოსტა.

**ლაბორატორია მუშაობს:**  
**გეგმიური ლაბორატორიული კვლევები:**  
ორშაბათი-პარასკევი (შაბათ-კვირის გარდა)  
10:00 სთ-დან 18:00 სთ-მდე.  
**გადაუდებელი ლაბორატორიული კვლევები**  
24/7-ზე



მოხარული ვართ გაცნობოთ, რომ მესტიის მიხეილ ხერგიანის სახელობის N2 საჯარო სკოლის გუნდი „კლდის ვეფხვი“ საქართველოს ჩემპიონია! საქართველოს ჩემპიონატში „ტვინების ბრძოლა“ U8 – მეექვსე, მეშვიდე, მერვე კლასი – ასაკობრივ კატეგორიაში გუნდი „კლდის ვეფხვი“ საქართველოს ჩემპიონი გახდა.

გუნდის კაპიტანია ნიკოლოზ რატიანი. წევრები: რომან სუბელიანი, მარიამ გვარლიანი, მზია ფალიანი და ლიზი მაჩიტაძე. გუნდის ხელმძღვანელი და კლასის დამრიგებელი: მარიანა ფალიანი მარიანა. ტვინების ბრძოლა არის გუნდური ინტელექტუალური თამაში სკოლის მოსწავლეებისთვის.

## „ტვინების ბრძოლა“

პროექტის მიზანია მოსწავლე ახალგაზრდობაში ერუდიციის, წიგნიერებისა და ზოგადი განათლების დონის ამაღლება, ინტელექტუალური განვითარების წახალისება, მოსწავლეებისთვის ლოგიკური და ანალიტიკური აზროვნების უნარის, გუნდური მუშაობის უნარისა და სხვა ღირებული უნარ-ჩვევების განვითარება.

**ტვინების ბრძოლა ტარდება 4-ეტაპიანი ჩემპიონატის სახით:**

1. შიდასასკოლო თამაში
  2. საქალაქო ტური, რომელშიც გუნდები კონკურენციას უწევენ საკუთარი ქალაქის სხვა გუნდებს.
  3. რეგიონული პირველობა, რომელშიც გუნდები კონკურენციას უწევენ საკუთარი რეგიონის სხვა გუნდებს.
  4. ფინალი, რომელშიც გუნდები კონკურენციას უწევენ საქართველოს მასშტაბით ფინალში გადასულ სხვა გუნდებს.
- წელს საუკეთესო შედეგის მქონე გუნდი გახდა „კლდის ვეფხვი“ და მან სა-

ქართველოს ჩემპიონი გუნდის სტატუსი მოიპოვა. გულოცავთ მეორე საჯარო სკოლის პედკოლექტივს, მოსწავლეებს, მშობლებს და მთელ მუნიციპალიტეტს ამ ღირსეულ გამარჯვებას.

LIVE ცხრილი ფინალიდან					
U5 - 3,4,5 კლასი		U8 - 6,7,8 კლასი			
U12 - 9,10,11,12 კლასი					
U8 ფინალური ეტაპი : U8 ფინალი					
კაპიტანი	კამი	1	2	3	4
ნიკოლოზ რატიანი	92	5	6	7	5
იოსებ ბოლქვაძე	91	5	6	7	5
ნიკა ცეცხლაძე	91	5	6	7	5
ოთარ ძნელაძე	90	5	6	7	5
ზაალ ტაბუაძე	84	5	6	7	5
ვახტანგ ცინცაძე	83	5	6	0	5
ნიკოლოზ შუბლაძე	83	5	6	7	5





# მესტიის მუნიციპალიტეტის ადმინისტრაციული სამსახურის ანგარიში

ტრადიციულად, საკრებულოს ფუნქციონირების და ადგილობრივი განვითარების „ლილე“ მეშვეობით, ვცდილობთ მაქსიმალურად მივაწოდოთ მოქალაქეებს ინფორმაცია მუნიციპალიტეტში მიმდინარე მოვლენების, სხვადასხვა სამსახურის, მათი ხელმძღვანელებისა და პასუხისმგებელი პირების საქმიანობის შესახებ.

დღეს გვსურს წარმოგიდგინოთ მესტიის მუნიციპალიტეტის მერიის ადმინისტრაციული სამსახურის ანგარიში, დასაწყისში კი ვისაუბროთ სამსახურის უფროსის – ქალბატონ ქეთევან ხარძიანის შესახებ.

ქეთევან ხარძიანმა 1994 წელს წარმატებით დაამთავრა მესტიის მ. ხერგინის სახელობის N2 საშუალო სკოლა, 2002 წელს კი თბილისის სახელმწიფო სამედიცინო უნივერსიტეტი, სპეციალობით – კლინიკური ბიოქიმია. კვალიფიკაცია – ექიმი ბიოქიმიკოსი (სერთიფიცირებული) 01/08/2014 წლიდან დღემდე არის მესტიის მუნიციპალიტეტის მერიის ადმინისტრაციული სამსახურის უფროსი, რასაც წინ უძღოდა მესტიის მუნიციპალიტეტის გამგეობის ზედამხედველობის სამსახურის უფროსობა.

2013 წელს მუშაობდა მესტიის მუნიციპალიტეტის გამგეობის ზედამხედველობის სამსახურის, სანიტარულ-ეპიდემიოლოგიურ და შრომითი ურთიერთობის საკითხებში მთავარ სპეციალისტად.

2010-2013 წლებში იყო ფარმაცევტული კომპანია შპს „გეა“ – სამედიცინო წარმომადგენელი;

2008-2010 ფარმაცევტული კომპანია შპს „გეას“ – ფარმაცევტი;

2004-2006 მესტიის სანიტარული ინსპექცია – ექიმი ბაქტერიოლოგი;

2005-2006 წლებში მესტიის N2-ე საჯარო სკოლის ქიმიის და ბიოლოგიის პედაგოგი;

2003-2006 მესტიის ამბულატორიულ-პოლიკლინიკური და სამშობიარო სახლის გაერთიანების კლინიკური ლაბორატორიის გამგე;

2002-2003 მესტიის ამბულატორიულ-პოლიკლინიკური და სამშობიარო სახლის გაერთიანებაში – ექიმი ბიოქიმიკოსი;

არის ლექსების კრებულის: „ერთი დედის ფიქრები“ – ავტორი, აიპ საქართველოს ქალთა საბჭოს მესტიის რაი-

ონული ორგანიზაციის ხელმძღვანელი; არის ლირსული შვილების დედა, შრომისმოყვარე და მაღალი პასუხისმგებლობის ქალბატონი.

## 2023 წელს მესტიის მუნიციპალიტეტის მერიის ადმინისტრაციული სამსახურის მთავარ უფროსად მუშაობის ანგარიში

პირველი რგოლი, როდესაც დაინტერესებული პირი განაცხადით მიმართავს მერიას გარკვეული მომსახურების მისაღებად, გახლავთ მერიის ადმინისტრაციული სამსახურის საქმისწარმოების განყოფილება, სადაც ხდება მოქალაქეთა პირველადი კონსულტირება მოთხოვნასთან დაკავშირებული საკითხის ირგვლივ და შესაბამისი განცხადებების მიღება.

განყოფილება ყოველდღიურად უზრუნველყოფს მატერიალური, ელექტრონული ფოსტის და ელექტრონული კანცელარიის მეშვეობით შემოსული ათეულობით დოკუმენტის მიღება-რეგისტრაციას, მათი შესრულების მიმდინარეობაზე ზედამხედველობას და შესაბამის რეაგირებას.

2023 წლის განმავლობაში ჯამში ერთიანი ელექტრონული საქმიანობების სისტემაში ატვირთულია 14377 (თოთხმეტიათასსამასამოცდაჩვიდმეტი) კორექტირებული დოკუმენტი.

სისტემაში ატვირთულია 14377 კორექტირებული დოკუმენტი, უშუალოდ ადმინისტრაციულ სამსახურს კომპეტენციის ფარგლებში ქმედება აქვს განხორციელებული 6007 ერთეულ კორექტირებული დოკუმენტი.

2023 წლის განმავლობაში, მერიის მიერ შესყიდული იქნა სულ 10 030 ლარის ღირებულების სწავლება სხვადასხვა მიმართულებით.

ადამიანური რესურსების მართვის განყოფილებამ ზედამხედველობა გაუწია დეკლარირებას დაქვემდებარებული თანამშრომლების მიერ, თანამდებობრივი დეკლარაციების კანონით დადგენილ ვადაში ანტიკორუფციული ბიუროს წინაშე წარდგენას.

ორგანიზება გაუწია „საჯარო სამსახურის შესახებ“ კანონის 53-ე მუხლით დადგენილი, საჯარო მოხელის შეფასების პროცესს, ხოლო შემდგომ უზრუნველყო მიღებული შედეგების სისტემაში ასახვა.

ადამიანური რესურსების მართვის განყოფილების უფროსი სპეციალისტის მიერ, რომელიც ასევე წარმომადგენს მერიის საარქივო დოკუმენტაციაზე პასუხისმგებელ პირს, ეროვნული არქივის მესტიის ფილიალის წარმომადგენლებთან ერთად კოორდინაცია გაუწია 2015-16-17-18 წლების დოკუმენტების კანონისმიერი წესით დამუშავებას და არქივზე გადაცემას.

მერიის წარმომადგენელთა კოორდინაციის განყოფილება:

სისტემატურად აორგანიზებდა ტერიტორიულ ერთეულებში მერიის წარმომადგენელთა სამუშაო შეხვედრებს, როგორც შიდა ორგანიზაციულად, ისე სხვა უწყებებთან.

2023 წლის თებერვლის თვეში, განყოფილება ჩართული იყო ორგანიზებაში და მონაწილეობდა, სოფლის მხრდაჭერის სახელმწიფო პროგრამის ფარგლებში,

მუნიციპალიტეტის ტერიტორიულ ერთეულებში გამართულ დასახლებების საერთო კრებებში. აგრეთვე, ა (ა)იპ მესტიის სკოლამდელი აღზრდის დაწესებულებების გაერთიანების დირექტორის 2023 წლის 19 ივნისის N57 წერილის საფუძველზე, მერიის ადმინისტრაციული სამსახურის უფროსთან და სსიპ სურსათის უვნებლობის სააგენტოს სახელმწიფო ლაბორატორიის მესტიის წარმომადგენელთან ერთად, საბავშვო ბაღებში არსებული საჭიროებების იდენტიფიცირებისა და ზემდგომი პირების წინაშე შესაბამისი რეკომენდაციის მომზადების მიზნით ჩართული იყო მერიის წარმომადგენელთა კოორდინაციის განყოფილების უფროსი. ჯამში ვიზიტი განხორციელდა მუნიციპალიტეტის 16 საბავშვო ბაღში. პარალელურად, ვიზიტი განხორციელდა რამდენიმე ადმინისტრაციული ერთეულის ადმინისტრაციულ შენობებში და იმ სივრცეებში, სადაც მერიის წარმომადგენლები ასრულებენ საქმიანობას. მოცემული დროისათვის, აღნიშნული მიმართულებით, ტერიტორიულ ერთეულებში მდგომარეობა შემდეგია:

უშგული – ადმინისტრაციული სივრცე საჭიროებს რეაბილიტაციას და ავეჯით და ტექნიკით აღჭურვას;

კალა – ადმინისტრაციული სივრცეს ჩატარებული აქვს რემონტი და საჭიროებს ავეჯით და ტექნიკით აღჭურვას; იფარი – ადმინისტრაციული სივრცე საჭიროებს სრულ რეაბილიტაციას და აღჭურვას;

წერი – სივრცე ნაწილობრივ საჭიროებს რემონტს და ავეჯით და ტექნიკით აღჭურვას;

მულახი – სივრცე საჭიროებს სრულ რეაბილიტაციას და ავეჯით და ტექნიკით აღჭურვას;

დაბა მესტია – ესაჭიროება დამატებითი საოფისე ავეჯი და ერთი ერთეული პერსონალური კომპიუტერი;

ლენჯერი – ახლად აშენებული ადმინისტრაციული შენობისათვის საჭიროა საოფისე ავეჯი და ტექნიკა;

ლატალი – სივრცე საჭიროებს რემონტს და საოფისე ავეჯით და ტექნიკით აღჭურვას;

ბეჩო – ადმინისტრაცია განთავსებულია ამბულატორიის შენობაში, ასევე საჭიროებს დამატებით ავეჯს;

ცხუმარი – ადმინისტრაცია, ასევე განთავსებულია ამბულატორიის შენობაში, რომელიც საჭიროებს რეაბილიტაციას, საოფისე ავეჯით და ტექნიკით აღჭურვას;

ეცერი – სივრცე საჭიროებს რემონტს და საოფისე ავეჯით და ტექნიკით აღჭურვას;

ფარი – შენობა საჭიროებს სრულ რეაბილიტაციას და ავეჯით და ტექნიკით აღჭურვას;

ლახამულა – შენობას ესაჭიროება რემონტი და დამატებითი ავეჯი;

ნაკრა – შენობა საჭიროებს სრულ რეაბილიტაციას, საოფისე ავეჯსა და ტექნიკას;

ჭუბერი – შენობა საჭიროებს სრულ რეაბილიტაციას, საოფისე ავეჯსა და ტექნიკას;

საიში – ადმინისტრაციული შენობა განთავსებულია სატყეო სააგენტო კუთვნილ მიწის ნაკვეთზე. ასევე, საჭიროებს საოფისე ავეჯსა და ტექნიკას;

იდიანი – ესაჭიროება საოფისე ავეჯი. გარდა საჯარო სივრცეების მატერიალურ-ტექნიკური გაუმართაობისა, ტერიტორიულ ერთეულებში მცხოვრები მოქალაქეებისათვის, საჯარო მომსახურებების ადგილზე მიწოდების პროცესში მნიშვნელოვან გამოწვევას წარმოადგენს, დასახლებებში არასტაბილური ელექტრო მომარაგება და არასაკმარისი სიხშირის ინტერნეტი.

საზოგადოებრივი ურთიერთობის და ინფორმაციული უზრუნველყოფის განყოფილებები: განყოფილებების ძირითადი ფუნქცია-მოვალეობაა მერიის კომუნიკაციის უზრუნველყოფა საზოგადოებრივ და მასმედიაში. მათი საქმიანობის მნიშვნელოვან ნიშნს შეადგენს:

მერიის ოფიციალური ვებ <http://xn--mestia-8j1ajjk2b4gqa.gov.ge/> ადმინისტრირება, რომელზეც პროაქტიულად ქვეყნდება ადგილობრივი თვითმმართველობის ორგანოების სამართლებრივი აქტები, საზოგადოებრივი ინტერესის შეცველი დოკუმენტები, ინფორმაცია საჯარო განხილვების შესახებ, ოფიციალური შეტყობინებები და განცხადებები. ქვეყნდება მუნიციპალიტეტის ბიუჯეტის (ყველა ეტაპი), მერიის საქმიანობის, მომსახურების სახეების, მუნიციპალური პროგრამებისა და პრიორიტეტების შესახებ ინფორმაციები.

საანგარიშო პერიოდში პროაქტიულობის, გამჭვირვალობისა და საჯაროობის გაზრდის მიზნით, უფრო აქტიური და მობილური გავხადეთ ვებ გვერდი, რამაც ხელი შეუწყო მუნიციპალიტეტისათვის მნიშვნელოვანი მონაპოვარის მოტანას, კერძოდ:

ადგილობრივი თვითმმართველობის (LSG) ინდექსის საქართველოს მუნიციპალიტეტების 2023 წლის ერთიანი ეროვნული შეფასების მიხედვით, მესტიის მუნიციპალიტეტი პირველ ხუთეულში, მეოთხე ადგილზე გავიდა. აღსანიშნავია, რომ მესტიის მუნიციპალიტეტი ინდექსის გაუმჯობესების მაჩვენებლის მიხედვით.

საზოგადოებასთან კომუნიკაციის და ინფორმირების ყველაზე ეფექტური საშუალება არის სოციალური მედია. განყოფილებები ყოველდღიურ რეჟიმში აქტიურად მუშაობენ მერიის ოფიციალურ ფეისბუქ გვერდზე ინფორმაციის განახლებაზე. ინტერნეტ არხების მეშვეობით ქვეყნდება მუნიციპალიტეტში მიმდინარე ყველა მნიშვნელოვანი მოვლენა, ინფრასტრუქტურული პროექტები, კულტურული, საგანმანათლებლო თუ სპორტული ღონისძიებები. სოციალური გვე-

გაგრძელება მე-3 გვ-ზე



დასაწყისი 1-ელ გვ.-ზე

რდის საშუალებით შემოდის შეტყობი-  
ნებები, რომლის საფუძველზეც, საანგა-  
რიშო პერიოდში ხდებოდა დროული და  
აქტიური უკუკავშირი.

მოსახლეობის ინფორმირების გა-  
ზრდის მიზნით, საზოგადოებასთან  
ურთიერთობის განყოფილება ინფორ-  
მაციული უზრუნველყოფის განყოფი-  
ლებასთან ერთად 2013 წლიდან გამო-  
სცემს ადგილობრივ გაზეთს.

გაზეთი უფასოდ ვრცელდება მუ-  
ნიციპალიტეტის ყველა ადმინისტრაც-  
ციულ ერთეულში მერის წარმომადგენ-  
ლების დახმარებით. ელექტრონული  
არქივი კი, განთავსებულია მუნიციპა-  
ლიტეტის ოფიციალურ ვებ გვერდზე  
www.mestia.gov.ge

2023 წელს, კომპეტენციის ფარგ-  
ლებში განვიხილე და შესაბამისი რეა-  
გირება განვახორციელე, სხვა და სხვა  
შინარსის 1014 კორესპონდენციაზე,  
კერძოდ: 970 შევასრულე ვადაში, 34  
ვადაგადაცილებით, ხოლო 10 დამუშა-  
ვების პროცესში მყოფი საკითხია, რო-  
გორც სამუშაო ჯგუფი წევრი, ვმონა-  
წილეობდი მესტიის მუნიციპალიტეტის  
საშუალოვადიანი განვითარების სტრატე-  
გიის დოკუმენტის შემუშავების და  
დამტკიცების პროცესებში.

2023 წელს გახლდით, ადგილობ-  
რივი თვითმმართველობის ინდექსის  
(LSG) მუნიციპალური სამუშაო ჯგუ-  
ფის ხელმძღვანელი. მოგასხენებთ, რომ  
2022 წელს მესტიის მუნიციპალიტეტმა  
სამოქალაქო მოძრაობა სამეგრელოს  
ხმასთან ერთად,

ადგილობრივი თვითმმართველობის  
ეროვნული ინდექსის (LSG) გაუმჯობე-  
ლების მიზნით განახორციელა ერთო-  
ბლივი პროექტი.

აღნიშნული პროექტის ფარგლებში,  
მუნიციპალიტეტის მიერ განხორციე-  
ლებული საქმიანობის გამჭვირვალო-  
ბის, ანგარიშვალდებულებისა და მოქა-  
ლაქეთა ჩართულობის სტანდარტების  
დანერგვა-დახვეწისა და ეროვნული შე-  
ფასებით განსაზღვრული კრიტერიუმე-  
ბის ახლებურად გაცნობიერებისათვის,  
პარტნიორი ორგანიზაციის მხარდაჭე-  
რით, განხორციელდა სხვადასხვა აქტი-  
ვობები.

მესტიის მუნიციპალიტეტის მერის  
ბრძანებით შეიქმნა „მესტიის ადგილობ-  
რივი თვითმმართველობის ინდექსის  
მუნიციპალური სამუშაო ჯგუფი“ და  
დამტკიცდა აღნიშნული ჯგუფის საქმი-  
ანობის განმსაზღვრელი დებულება;

ჯგუფის შემადგენლობაში შევიდ-  
ნენ არა, მხოლოდ მუნიციპალიტეტის  
თვითმმართველობის ორგანოების წა-

რმომადგენლები არამედ, სამოქალაქო  
სექტორის, პროფესიული ჯგუფების და  
ბიზნესის წარმომადგენლები, სამოქა-  
ლაქო აქტივისტები, საზოგადოებრივი  
ორგანიზაცია „სამეგრელოს ხმის“ წა-  
რმომადგენელი.

მოცემული სამუშაო ჯგუფის მიერ  
განისაზღვრა ის პრიორიტეტული მიმარ-  
თულებები, რომელზეც ძირითადი აქ-  
ცენტი უნდა გაკეთებულიყო პროექტის  
მიზნებისათვის.

მნიშვნელოვანი იყო მოსახლეობის  
მხრიდან დანახული პროცესის ანალიზი  
და მათი ინტერესების მხარდაჭერა;

მოკვლევის შედეგმა, სამუშაო  
ჯგუფს შესაძლებლობა მისცა დაემ-  
ტკიცებინა – „მესტიის ადგილობრივი  
თვითმმართველობის ინდექსის მუნი-  
ციპალური სამუშაო ჯგუფის ღონის-  
ძიებათა გეგმა“, რომელშიც გაიწერა  
თითოეულ შეფასების ინდიკატორთან  
მიმართებაში განსახორციელებელი  
საქმიანობა, მათი განხორციელების  
ვადები, პასუხისმგებელი მხარეები და  
კონკრეტული პასუხისმგებელი პირები;  
არსებული ვებ გვერდის www.  
mestia.gov.ge ტექნიკურად გამართვის  
მიზნით,

მუნიციპალიტეტის მიერ შესყი-  
დული იქნა IT მომსახურება, რამაც  
შესაძლებლობა მოგვცა სტრუქტურუ-

ლად და შინაარსობრივად გაგვემდი-  
დრებინა ვებ გვერდის შიგთავსი;

პროექტის შედეგების შეჯამების სა-  
ფუძველზე პარტნიორი ორგანიზაციის  
მიერ შემუშავდა და მუნიციპალიტეტს  
გადმოეცა მესტიის მუნიციპალიტეტის  
თვითმმართველობის ინდექსის გასაუმ-  
ჯობესებლად, რეკომენდაციები.

შედეგად, ადგილობრივი თვითმ-  
მართველობის ინდექსის (LSG) 2023  
წლის ეროვნულ შეფასებაზე მესტიის  
მუნიციპალიტეტი პირველი ხუთეუ-  
ლიდან, მეოთხე ადგილზე, ხოლო წინა  
შესაფასებელ პერიოდთან მიმართე-  
ბაში მიღწეული პროგრესით პირველ  
ადგილზე გავიდა. მუნიციპალიტეტი  
დაჯილდოვდა – „ლია და ანგარიშვა-  
ლდებული თვითმმართველობისათვის“  
სიგელით.

მუნიციპალიტეტის საშუალოვა-  
დიანი განვითარების სტატეგიაში და  
სამოქმედო გეგმაში ასახული მიზნები  
და ამოცანები, ასევე ზემოთ წარმო-  
დგენილი ანგარიში აჩვენებს, რომ მუ-  
ნიციპალიტეტის განვითარებასა და  
არსებული პრობლემების ეფექტიანად  
დაძლევაზე არის მიმართული სრულად  
ადგილობრივი თვითმმართველობის  
საქმიანობა, მათ შორის მერიის ადმი-  
ნისტრაციული სამსახურის მიმდინარე,  
თუ დაგეგმილი საქმიანობაც.

# „ღიღეხოვა, თანასწორობა, ადვოკატიხეა და დემოკრატია“

თემაზე – ადამიანების უფლებები,  
თავისუფლებები და თანასწორობა,  
10-11-12 ივნისს, საინფორმაციო შეხ-  
ვედრები ჩატარდა ჭუბურში, ხაიშში და  
მესტიაში.

საინფორმაციო შეხვედრებში მონა-  
წილე პირებს მიენოდათ ინფორმაცია  
ისეთი მნიშვნელოვანი საკითხების შე-  
სახებ, როგორებიცაა: ადამიანის უფლე-  
ბები და თავისუფლებები, თანასწორო-  
ბის უფლება, როგორც საქართველოს

კონსტიტუციით აღიარებული უფლება  
და მისი სამართლებრივი განმარტება,  
დისკრიმინაციის აკრძალვის მნიშვნე-  
ლობა, მრავალფეროვანი საზოგადოების  
ღირებულება, უფლების დაცვის ეროვნ-  
ული და საერთაშორისო მექანიზმები  
და სხვა. აღსანიშნავია, რომ შეხვედრაზე  
დამსწრე პირებს მიეცათ შესაძლებლობა  
დაესვათ შეკითხვები მათთვის მნიშვნე-  
ლოვანი საკითხების თაობაზე და მიე-  
ღოთ პასუხები.

შეხვედრებს უძღვებოდა ნატი გელო-  
ვანი – არასამთავრობო ორგანიზაციის  
„კანონის უზენაესობის ცენტრის“ იუ-  
რისტი, აღმოსავლეთ ევროპის უნივერ-  
სიტეტის იურიდიულ და სოციალურ მეც-  
ნიერებათა ფაკულტეტის დოქტორანტი.

მოსახლეობასთან შეხვედრები ორ-  
განიზებული იყო კანონის უზენაესობის  
ცენტრთან თანამშრომლობით, ზამთრის  
სკოლის „ახალგაზრდები თანასწორო-  
ბისთვის“ მონაწილეების დავით ნიჟარა-

ძის, მარიამ სიჭინავას და მარიამ კავთე-  
ლაძის მიერ.

საინფორმაციო ღონისძიებები გაე-  
როს განვითარების პროგრამისა (UNDP)  
და ნორვეგიის საელჩოს პროექტის – „ლი-  
დერობა, თანასწორობა, ადვოკატირება  
და დემოკრატია“ (LEAD) მხარდაჭერით  
ჩატარდა. აღსანიშნავია, რომ მსგავსი  
საინფორმაციო ხასიათის შეხვედრების  
ჩატარება იგეგმება საქართველოს სხვა  
რეგიონებშიც.





# დავით მურაჩაშვილის პერსონალური გამოფენა-გაყიდვა

2024 წლის 11 ივნისს სვანეთის ისტორიის და ეთნოგრაფიის მუზეუმის დროებით საგამოფენო დარბაზში მარიამ ჯაფარიძის კურატორობით, (ცენტრალური აპარატის უფროსი, მედიასა და საზოგადოებასთან ურთიერთობის სამსახურის ხელმძღვანელი) სვანეთი DMO-სა და მესტიის მუნიციპალიტეტის მერიის მხარდაჭერით, იტალიაში მოღვაწე, თანამედროვე ხელოვნებაში გამორჩეული ცნობილი ქართველი მხატვრის, დავით მურაჩაშვილის პერსონალური გამოფენა-გაყიდვა გაიხსნა.

გამოფენა ოფიციალურად გაიხსნა სვანეთის ფოლკლორული ანსამბლის „რიჰოს“ უკუდავი ჰანგების ფონზე. დამსწრე საზოგადოებას სიტყვით მიმართეს, გამოფენის არსსა თუ კონცეფციაზე ისაუბრეს ანსამბლ რიჰოს ხელმძღვანელმა ბატონმა ვახტანგ ფილფანმა და გამოფენის ავტორმა, შესანიშნავმა მხატვარმა დავით მურაჩაშვილმა.

ლონისძიების დასასრულს გაიმართა მცირე მიღება დამსწრე საზოგადოებისათვის!

ხატვა გრძნობების, აღქმულისა და აღსაქმელის, გარესამყაროს საკუთარი ფანტაზიით გადმოცემის საშუალებაა, ნიჭია, რომელიც ყველას არ აქვს. მხატვარ დავით მურაჩაშვილის შემოქმედების ხილვისას ერთი აზრი გებადება – თითოეული ნახატი იმ ფუნჯითაა შექმნილი, რომელსაც მხატვრის გულის სიღრმედან ამომავალი გრძნობები



ამოძრავებს. ზოგიერთ ნახატში მხატვრის სულის სარკვეც კი ჩანს. დასამახსოვრებელი შინაარსი, ფერები, განწყობა – ეს მისი შემოქმედების ლეიტმოტივია. დავით მურაჩაშვილს ბავშვობიდან დაჰყვება ნიჭიერება – ხატვისა და სიმღერისადმი სიყვარული ადრეული ასაკიდან იმდენად აშკარა იყო, რომ მშობლებმა მშობლიურ ქალაქ გორიდან საცხოვრებლად თბილისში ჩამოიყვანეს, რათა ნიჭის განვითარებაში ხელი შეეწყობა.

მხატვარი განსაკუთრებული სიყვარულით იხსენებს ანზორ

ერქომიშვილთან ურთიერთობის წლებს – სწორედ მან უბიძგა დავითსა და მის ძმას ყველა ბავშვისთვის საოცნებო მუსიკალური მწვერვალი დაეპყროთ და ურთულესი ქართული ხალხური სიმღერა “ბერიკაცის” შესრულებისთვის მათი ხმა მე-20 საუკუნის ოქროს ფონდში დაცულიყო. ის პერიოდიც დადგა, როცა დავითი არჩევანის წინაშე დადგა – ხატვა თუ სიმღერა! “მართლაცა” და “ერისონში” გატარებული წლები არ ეთმობოდა მხატვარს, მუსიკალური სასწავლებელიც წარმატებით დამთავრა, თუმცა

სამხატვრო აკადემიაში სწავლა გადამწყვიტა და მხატვრის კარიერა აირჩია.

მიუხედავად წარმატებული სამხატვრო კარიერისა, სიმღერა მისი განუყოფელი ნაწილია და ორივეგან წარმატებით მოღვაწეობს. განსაკუთრებით უნდა აღინიშნოს დავით მურაჩაშვილის ნახატების ერთი თვითმყოფადი ხასიათი – აქ ფორმა და შინაარსი ადვილად აღსაქმელია, დამთვალეირებული არ იღლება, თვალი და გონება ძალდაუტანებლად ტკებება აღქმულით, რადგან გამოსახულებები ში-

ნარის შესაბამისია. ფერები სამყაროსეული, მშვიდი და თბილია.

ნიშანდობლივია, რომ დავითის ნამუშევრები საზღვარგარეთის კერძო კოლექციებშია დაცული – ამერიკაში, იტალიაში, გერმანიაში, საბერძნეთში, ბრაზილიაში, ავსტრიაში, დუბაისა და კანადაში. წარმატებულ ქართველებს შორის კი ეს ულამაზესი ნახატები ნანი ბრევჯაძისა და მერაბ სეფაშვილის კოლექციას ამშვენებს.

დავით მურაჩაშვილი საქართველოში დიდი პოპულარობით სარგებლობს – უკვე მეორე წელია მისი კონკურსი ხატვაში თბილისის საკრებულოს თამარ – მეფის დარბაზში იმართება და მთელ მსოფლიოში მცხოვრებ ქართველ ბავშვებს აძლევს თავის წარმოჩენის საშუალებას.

დავით მურაჩაშვილი საზოგადოებრივი და შემოქმედებითი აქტიურობის გამო დაჯილდოებულია დიპლომებით, სერტიფიკატებითა და მაღლობის სიგელებით. ეს კი მეტ სტიმულს სძენს წარმატებით გააგრძელოს ხატვა – ანუ, ხელოვნების ის დარგი, რომელიც მშვენიერების უძლიერესი ამსახველია.

მხატვარი და მომღერალი დავით მურაჩაშვილი სპორტსმენიც გახლავთ. ის პროფესიონალი კინგ ბოქსიორი და მოცურავეა. მის მფლობელობაში რამდენიმე ჯილდოა.

ი. ნ. – სვანეთის ისტორიის და ეთნოგრაფიის მუზეუმი



**დაფუჟნეხალი:** მესტიის მუნიციპალიტეტის საკრებულო.  
**მისამართი:** დაბა მესტია, სატის მოედანი 1.  
**გაზეთი მოამზადა მესტიის მუნიციპალიტეტის საკრებულოს პრესცენტრის განყოფილებამ**  
**ირმა ჯაჭვლიანი, ინო ნაკანი**  
**გაზეთი აიწყო და დაკაპადოდა ვას. „გამომცემლობა კოლორში“** (ტირაჟი - 600 ცალი)  
**ინფორმაციისათვის დაგვიკავშირდით ტელეფონის ნომერზე: 599 85 55 45**  
**ირმა ჯაჭვლიანი**  
**ელ. ფოსტა: irmajachvliani1968@gmail.com**